
ФАРҒОНА ШАҲРИДА ЎТКАЗИЛГАН ҲУДУДИЙ ТАРМОҚЛАРАРО САНОАТ ЯРМАРКАСИДА УМУМИЙ ҚИЙМАТИ 315,5 МИЛЛИАРД СЎМЛИК 810 ТА ШАРТНОМА ТУЗИЛДИ

9-10 июнь кунлари Фарғона шаҳрида ўтказилган Ҳудудий тармоқлараро саноат ярмаркаси якунланди. Дастлабки ҳисоб-китобларга кўра, ярмарка давомида cooperation.uz электрон кооперация портали орқали жами 315,5 миллиард сўмлик 810 та шартнома тузилди. Улардан Фарғона вилояти корхоналари томонидан тузилган шартномаларнинг умумий қиймати 63,2 млрд. сўмни ташкил этди.

Саноат ярмаркаси иштирокчилари ривожланиш истиқболларини белгилаш, келгуси йил учун маҳсулотлар ишлаб чиқаришни режалаштириш ва буюртмалар портфелини шакллантириш имконига эга бўлдилар.

Ҳудудий тармоқлараро саноат ярмаркаси якунида корхона, компания ва ташкилотларнинг тақдимотлари турли номинациялар бўйича баҳоланиб, фаол иштирокчилар диплом ва эсдалик совғалар билан тақдирланди. Фаол иштироки ва юқори даражадаги ташкилий ишлари учун “Ўзбекнефтгаз” АЖ эътироф этилган бўлса, талаб юқори бўлган, маҳаллийлаштирилган янги маҳсулот турини ишлаб чиқарган корхона сифатида “Ekokerama” МЧЖ эълон қилинди. “Ўзэлтехсаноат” уюшмаси стенди энг яхши стенд деб топилган бўлса, “Навоий кон-металлургия комбинати” АЖ Энг кўп шартнома тузган корхона бўлди. Энг яхши саноат маҳсулоти учун “Okkin mebel” корхонаси тақдирланди.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2022-06-11 14:55:51